



雲棧紀程卷七

廣漢

張邦伸

雲谷編輯

自沉香鋪至漢州

二十二日自沉香鋪七里至蔡家橋水出沉香鋪西
流入涪又西行跨山脊十里至炕香鋪十里至濫泥
溝又五里下坡渡仙人橋橋下水出白家壩東南流
入涪循涪水北岸望富樂山如在目前富樂山在州
東五里方輿勝覽昔先主入蜀劉璋迎于此山先主
望見蜀之全盛飲酒樂甚故名

唐庚富樂山云富樂之名誰所留建安年

雪木系禾
中劉豫州擁兵入蜀萬貌貅屏璋送國來迎投軍中
釀酒椎干牛炙如巴山酒如涪酒酣握手登高邱極
目紫芋蹲春疇富樂之名此其由君聞此語還信不
當時兵起四十秋折屋不足供誅求生靈嗷嗷鼎中
油山中胡爲乃爾優想今富樂萬倍劉
端能容我逃窮愁山僧笑言客罷休
山有洞靈觀

漢李意期修煉于此白日昇舉時聞笙樂之音又五

里渡涪水

楊慎涪江泛舟云明月沉清露秋風起白雲蘭橈乘溜急木葉下江聞爽籟金懸奏

遙峰翠積氛碧潭留雁影錦汭散虹文旅望隨天豁幽阿與歲分登臨知自好寂寞共誰云水經

涪水出廣漢涪縣西北南至小廣魏與梓潼水合酈

注涪水出廣漢屬國剛氏道徼外東南流逕涪縣西

王莽之統睦矣臧宮進破涪城斬公孫恢于涪自此

水上縣有潺水出潺山水源有金銀礦洗取火合之
成金銀潺水厯潺亭而下注涪水又東南逕綿竹縣
北臧宮溯涪至平陽公孫述將王元降遂拔綿竹涪
水又東南與建始水合水發平洛郡西溪西南流屈
而東南流入于涪涪水又東南逕江油戍北鄧艾自
陰平景谷步道懸兵束馬入蜀逕江油廣漢者也涪
水又東南逕南安郡南又南與金堂水會水出廣漢
新都縣東南流入涪涪水又南枝津出焉西逕五城
縣爲五城水又西至成都入于江按金堂水由新都

流入者爲毘橋河至瀘州入江名沱非涪也五城水
卽潺水至潼川府入涪亦不至成都江油戍在涪城
上酈注誤以今輿地言之涪水源出松潘衛風洞頂
興龍泉又東南流入平武縣界東南火溪河入之又
東南逕平武縣城西南折而東流古城水入之又東
高村水入之又東南逕江油縣城北又南逕彰明縣
城西又東南逕綿州舊城北東南與安昌水會爲芙
蓉溪唐庚芙蓉溪云人間八月秋霜嚴芙蓉溪上春
酣酣人間二月春光好溪上芙蓉迹如掃小兒
造化誰能窮幾回枯枿還芳叢只應人老不復少
有酒且發衰顏紅安昌水出石泉縣

東南龍爬山初若二帶東至神泉與諸谷水合其勢
始大逕安縣北又東至州城東南合涪水又東南逕
潼川府三臺縣城東五城水自西來入之又東南逕
射洪城東又東至獨坐山梓潼水自北來入之又東
南逕蓬溪縣南又東逕遂甯縣城東又東南逕安居
縣界又東至合州入嘉陵江後漢建武十一年岑彭
討公孫述自墊江進攻破平曲命臧宮泝涪水上平
曲拒延岑于廣漢建安十六年昭烈由墊江詣涪城
皆取道此水也涪城有二一在潼川界名勝志州南

百里界于潼川四山如城涪水經其中今涪城壩是也一卽舊綿州治在涪水南一里漢置涪縣屬廣漢郡後漢建武十二年臧宮從涪水上拔綿竹破涪城斬公孫恢建安十六年昭烈引兵與黃忠卓膺等攻涪據其城劉璋遣劉潰冷苞張任等拒昭烈于涪皆破敗保綿竹季漢延熙四年蔣琬疏曰今涪水陸四通唯急是應若東北有虞赴之不難由是自漢中還住涪魏景元四年鄧艾從陰平邪徑經德陽亭趨涪遂取蜀晉永嘉四年譙登進宕渠殺馬脫食其肝進

據涪城巴蜀爲語曰譙登治涪城文石在巴西張羅
守合水巴氏那得前梁天建四年魏將邢巒使王足
破梓潼進逼涪城巒表言自南安向涪方軌無礙脫
得涪城則中分益州之地斷水陸之衝孤城何能持
久魏主不從十三年魏復窺蜀分命羊祉出涪不克
尋改置涪州治承聖二年西魏將尉遲迥入蜀取劔
閣至涪水潼川刺史楊乾運以城降分軍守之進襲
成都尋又改涪縣爲巴西縣

杜甫巴西驛亭觀江漲
呈竇使君云宿雨南江

漲波濤亂遠峯孤亭凌噴薄萬井逼春容霄漢
愁高鳥泥沙困老龍天邊同客舍攜我豁心胸隋爲

綿州後改金山郡唐復曰綿州元隸潼川路明屬成

都府

國初因之今升爲直隸州

綿州巴歌云豆子山打瓦鼓陽平山

撒白雨白雨下取龍女織得絹二丈五一半屬羅江一半屬元武

乾隆三十七年夏

涪水壤成郭移州治于羅江名涪曰舊綿州有思賢

堂在舊治東祀揚雄李白杜甫樊宗師蘓易簡歐陽

修司馬光蘓軾黃庭堅九人有六一堂宋歐陽觀爲

推官文忠實生于此城東漁父村相傳漢涪翁故居

也漢書郭玉傳涪翁者左綿人肥遯不出不知姓名

所居處爲漁父村玉從之受易焉城西北有越王樓

綿州圖經越王樓在州外西北有臺高百尺上有樓

下瞰州城唐高宗顯慶中太宗子越王貞爲綿州刺

史作按舊新史越王貞太宗第八子嘗封漢王無刺

綿州事或史畧之耳

杜甫越王樓歌云綿州州府何磊落顯慶年中越王作孤城西

北起高樓碧瓦朱甍照城郭樓下長江百丈清山頭落日半輪明君王舊跡今人賞轉見千秋萬古情陸

游越王樓云上盡江邊百尺樓倚欄極目暮江秋未甘便作衰翁在兩腳猶堪踏九州又蒲萄酒綠似江

流夜燕唐家帝子樓約住筦絃呼羯鼓要渠打散醉中愁城北芙蓉溪有獸潛其

中狀如驢不時出遊見必旱澇遇者亦不吉蝦蟆石

在城北涪水上狀如蝦蟆張口向南相傳城中自昔

無蛟螭宏治間知州汪洪改修朱容堰鑿碎其石後
遂不驗鯉魚橋在蝦蟆石北每遇夏秋潦水逆流魚
隨水出多食禾稼沿溪居民甚病之後遇異人于橋
鑿一父一網魚遂集灘下不敢上漁人利焉今橋圯
魚復大上治平院在城東卽杜詩所稱左綿公館清
江瀆海棕一株高入雲者也唐子西治平院詩江邊
勝事略尋遍不見海棕高入雲杜南海棕行云左綿公館清江瀆海棕一株
株高入雲龍鱗犀甲相錯落蒼稜白皮十丈文自是
眾木亂紛紛海棕焉知身出羣移栽北辰不可得時
有西域東津在治平院東卽涪江也杜甫觀打魚歌
胡僧識
云綿州江水之

東津魴魚鱗鱗衆魚常才盡却棄赤鯉騰出如有神潛龍無數百鱗衆魚常才盡却棄赤鯉騰出如有神潛龍無聲老蛟怒向風颯颯吹沙塵饗子左右揮雙刀膾飛金盤白雪高徐州禿尾不足憶漢陰槎頭遠遁逃魴魚肥美知第一既飽歡娛亦蕭瑟君不見朝來割素髻咫尺波濤永相失又觀打魚云蒼江漁子清晨集設網提網萬魚急能者操舟疾若風撐突波濤挺父入小魚脫漏不可記半死半生猶戢戢大魚傷損皆垂頭屈強泥沙有時立東津觀魚已再來主人罷鱸還傾盃日暮蛟龍改窟穴山根鱸鮓隨雲雷干戈兵革鬪未止鳳凰麒麟安在哉吾徒何爲縱此樂暴殄天物聖所哀

無功灘在城南明

皇入蜀從官太常卿姜皎畫角鷹子郵亭甚精妙鐫石豎州堂後鷹隼不敢入城後州守月刻石易前碑將載歸至城南舟壞沒于潭嘆曰無功矣後人遂名

其灘曰無功

杜甫觀姜楚公畫角鷹歌云楚公畫鷹鷹戴角殺氣森森到幽朔觀者貪愁掣

臂飛畫師不是無心學此鷹寫真在左綿却嗟真骨遂虛傳梁間燕雀休驚怕亦未搏空上九天陸游綿

州錄事參廳觀姜楚公畫鷹少陵爲作詩者云我來訪古涪之濱不辭百罔冀一真走馬朝尋海棕館斫

膾夜醉魴魚津越王高樓亦已換俯仰今古堪悲辛督郵官舍最卑陋棟撓楹腐知幾春歸然此壁獨亡

恙老槎勁翮完如新向來刼火何自免叱呵守護疑有神妖狐九尾穴中國其置不問如越秦天生此物

合致用下韉指呼端在人會當原野酒毛血坐令春萬里清煙塵老眼還憂不及見詩成肝胆空輪囷

酣亭在城東宋刺史唐庚建捫參閣在州北五里方

輿勝覽捫參閣在州北天池山巔有池方數丈冬夏

不竭

陸遊遊天池院云上方細路蟠如綰下有晴川平似坂近水遠山皆可人踴躍來供搜奇眼小

池中有江湖春孤洲便可呼白萍團
團倚檻看清澈不敢洗耳山僧喚
城東六十里龍

會觀宏治間居民廖天惠者募工畫壁版已施膠粉
偶以事去旬月不至每夜靜聞殿內有聲籟籟然比
工來啓視畫已就矣妙跡天成莫測起止至今尙存
又循安昌水南行過翥鶴堰安昌水金名草石河河
中有石特立上刻飛雲翥鶴四字年月無考堰係前
隆二十一年綿州牧費元龍創修羅克昌繼之至二
十四年始成灌州東田百餘頃民甚利之元龍字雲
軒浙江歸安人克昌字樸齋江南高郵州人俱雍正

庚戌進士又十里至金山驛李膺益州記云金山在涪縣東五里下臨澗水光彩映川長七八里每夏淹雨金粟散出又十五里至皂角鋪

二十三日自皂角鋪西行山阜平遠環抱江村下視

畦田縱橫如罽十里至新店

董新策綿州永興寺茶亭值雨題壁云白馬關

前石子坡油衣毡笠幾經過一鞭又指陽平雨愁聽綿州瓦鼓歌

十里至鷄鳴橋

東有鷄鳴寺旁有石如鷄相傳每五更村鄰聞石鷄先鳴羣鷄乃唱道士羅公遠經其地視曰金鷄莫向夜中啼石忽裂有鷄飛鳴而去後遂不聞今遺趾猶

存十里至金山鋪三十里渡羅江方輿勝覽羅江兩
水相蹴成羅紋故名卽酈注五城水也一謂之潺水
羅江有二源一出西番疊溪營城西北名黑水卽古
翼水東南流經茂州又東南逕安縣浮山南又東南
入州境五代時董璋破西川兵于黑水遂克漢州卽
此水也一出安縣西山初流如帶深僅漸車由睢水
關東南流入州界名乾河至州西之南村與黑水合
波流滌折因名羅江又東逕潺亭南江北岸有潺亭
廟酈注潺水厯潺亭而下指此

陸游羅江驛翠望亭
讀宋景文公詩云撲

馬征塵拂不開高亭欹帽一排徊蜀山地喫稀逢雪
閨歲春遲未見梅陂水近人無鷺下烟林藏寺有鐘
來宋公出牧曾題壁錦段雖殘試翦裁王士正羅江
驛夜雨三前旌已拂鹿頭關風雨勾留不肯閒何處
行人最愁絕潺潺又南逕州城北又南名斜潭河又東
亭亭下水潺潺

南入中江界經陽平鎮陽平卽綿州巴歌所稱陽平

關撒白雨者非甯羌北之陽平關也由陽平東逕鷄

冠山北其南爲崆峒山一名空洞山有洞深莫測可

容千人又東南名五城水逕中江城西折而東趨至

三臺縣城南入涪羅江之南岸卽綿州治本漢涪縣

地晉置萬安縣宋齊因之隋置金山郡有萬安縣舊